

notam fecimus vobis Domini nostri Iesu Christi uirtutem, & præsentiam, sed speculatores facti illius magnitudinis. Accipiens enim a Deo Patre honorem & gloriam, uoce delapsa ad eum huiuscmodi a magnifica gloria. Hic est filius meus dilectus, in quo mihi complacui, ipsum audite. Et hanc uocem nos audiuius de exalo allatum, cum essemus cum ipso in monte sancto, & habemus firmiorem propheticum sermonem, cui benefacitis attentes. Ecce ergo ubi de prophetica doctrina, & quæ reuelata est ministris Dei, at esse firmiores sermonem, quam testimonium iusus & auditus. Et hoc est, quod postea subiecit, hoc primum intelligentes, quod omnis prophetia scriptura propria interpretatione non sit, sed Spiritu santo inspirati, locuti sunt sancti Dei homines. Ex hoc itaque testimonio habemus, prædicationem aut doctrinam ministeriorum Christi esse nobis ultimam resolutionem ad distinctionem aliorum credibiliuum. Item illud, quod Christus dixit, qui uos audit, me audit. Et iterum loquens de Spiritu sancto ait, ille testimonium perhibebit, & uos testimonium perhibebitis, nimirum, quia Spiritus sanctus erudiuit illos de credendis ab alijs fidibus per prædicationem Apostolorum.

Quarta conclusio. Ecclesiæ esse regulam infallibilem proponendi & explicandi ueritatis fidei non potest reduci ad autoritatem ipsius Ecclesiæ. Hoc enim esset idem per idem confirmare, sed neceſſe est reducere hunc assertum ad testimonium Spiritus sancti inclinantis per lumen fidei ad hoc credibile, Ecclesia non potest errare. Et in hac parte credo uerificari, quod uulgo dicitur, *A quién Dios se la diere San Pedro se la benediga.* Id quod de fide conuenienter uerificatur, ut probari potest ex illo Act. 16. ubi dicitur de Lydia purparia, cuius Deus mouit cer, ut attenderet ijs quæ a Paulo dicebantur. Et 1. Ioan. 4. ubi agit de examine vera fidei, & concludit in hunc modum. Qui nouit Deum, audit nos, qui non est ex Deo, non audit nos. In hoc cognoscimus spiritum ueritatis & spiritum erroris. Vbi Diuus Iohannes quasi a posteriori, sed necessario colligit habere fidem a Deo inuisum, qui Ecclesia doctrinam recipit, sed prius est simpliciter habere fidem a Deo inuisum,

A quam credere Ecclesiæ esse infallibilem regulam. Cæterum alias discursus a priori haberur Ezechi. 3. ubi dicit Dominus ad prophetam: Domus Israel nolunt audire te, quia nolunt audire me. Item 2. Corinth. 4. Quod si opertum est Euangelium nostrum, in ijs qui pereunt, operatum est, in quibus Deus huius seculi execauit, mentes infidelium, ut non fulgeat illis illuminatio gloria Christi. Vbi ab Apostolo designatur ut ratio non credendi B Euangelio carentia illuminationis, ergo ratio credendi est illuminatio Spiritus sancti. At de explicatione huius testimonij vide S. Thom. super Paul. Vbi tripliciter explicat illud, Deus huius seculi. Primum uerus Deus creator huius seculi execauit non conferendo specialia auxilia. Secundo Deus huius seculi diabolus, qui dicitur princeps huius mundi, ut caput malorum, & hic execrare dicitur, quia ex intentione impedit Euangelij auditum, & fidem. Tertiò Deus huius seculi, quem quisque sibi singit, ut illi quorum Deus uenter est. At Ireneus lib. 3. aduersus heræfes. cap. 7. sic construit literam, ut æquualeat huic proportioni, in quibus Deus execauit mentes infidelium huius seculi. Nam tandem ratione probatur conclusio. Fides Apostolorum, & prophetarum non reducebatur ad testimonium Ecclesiæ tanquam ad ultimam & supremam rationem credendi, sed ad Christum uel Spiritum sanctum, D qui intus illuminabat eos, ergo & nostra fides reducenda est ad eandem rationem formalem. Probo consequentiam. Quia fides nostra & illorum est eiusdem speciei: tamen si in Apostoli minoribus donis Spiritus sancti fuerit exornata, usque adeo ut ipse Deus fuerit magister distinguens credibilia: nobis tamen uoluit, ut Apostoli, & prophetæ, & Ecclesia corundem spiritu distinguerent ipsa credibilia, atque credenda proponerent. Et quantum ad hoc nostra fides habet pro regula & fundamento doctrinam Ecclesiæ & Apostolorum, iuxta illud Ephes. 2. Estis ciues sanctorum & domestici Dei superædificati super fundamentum Apostolorum, & Prophetarum, ipso summo angulari lapide Christo Iesu. At uero quantum ad rationem formalem credendi pendet nostra fides immediate a Spiritu sancto illuminante mentes nostras.